

15-10-2020

Sarajevo,

Broj: 01-11-3-46644

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br.10-33-4-44824 od 06.10.2020.godine, Generalna direktorica donosi:

ODLUKU

o izboru najpovoljnijeg ponuđača za

"Nabavku uređaja za automatsko održavanje pritiska u toplotno-predajnoj stanici "Administracija"

I

Prihvata se prijedlog Komisije za javnu nabavku, Izvještaj br.10-33-4-44824 od 06.10.2020.godine za "Nabavku uređaja za automatsko održavanje pritiska u toplotno-predajnoj stanici "Administracija", nakon provedenog konkuretskog zahtjeva i Ugovor se dodjeljuje dobavljaču „NEXIS“ d.o.o. Sarajevo sa slijedećim elementima :

Cijena Ugovora bez PDV-a (KM):	11.970,00
PDV 17% (KM):	2.034,90
Cijena sa PDV-om (KM):	14.004,90

Uslovi plaćanja: odgođeno u roku od 60 (šezdeset) dana po ispostavljenom računu.

Rok isporuke i izvršenje usluge: 45 (četrdestpet) dana.

Garancija: 12 (dvanaest) mjeseci.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo.

O B R A Z L O Ž E N J E

Na osnovu Odluke o pokretanju postupka javne nabavke br.01-11-3-37257 od 19.08.2020.godine sa procijenjenom vrijednosti nabavke u iznosu od 12.000,00 KM bez PDV-a, Klinički centar Univerziteta u Sarajevu je 26.08.2020.godine objavio Obavještenje o nabavci broj: 893-7-1-605-3-339/20 na portalu e-Nabavke zajedno sa tenderskom dokumentacijom za nabavku uređaja za automatsko održavanje pritiska u toplotno-predajnoj stanici "Administracija" putem konkuretskog zahtjeva.

U skladu sa članom 88. Zakona o javnim nabavkama poziv za učešće u postupku javne nabavke putem e-maila upućen je slijedećim ponuđačima:

1. ZI-MI d.o.o. Tuzla
2. LUK d.o.o. Sarajevo
3. METERING d.o.o. Sarajevo

Tenderska dokumentacija za postupak nabavke je objavljena na portalu e- Nabavke i istu je preuzelo 11 (jedanaest) ponuđača, a do krajnjeg roka određenog za prijem ponuda, 28.09.2020.godine, dostavljene su 3 (tri) ponude ponuđača:

Prof. Dumayncić

Rb	Naziv ponuđača	Cijena ponude bez PDV-a bez popusta (KM)	Popust (KM)	Cijena ponude bez PDV-a sa popustom (KM)	Ukupna cijena sa PDV-om (KM)
1	2	3	4	5	7
1.	NEXIS d.o.o. Sarajevo	12.000,00	0,00	-	14.040,00
2.	ZI-MI d.o.o. Tuzla	11.985,00	0,00	-	14.022,45
3.	LUK d.o.o. Sarajevo	8.864,78	0,00	-	10.371,79

Komisija imenovana Odlukom broj: 01-04-5-39351 od 02.09.2020.godine pristupila je provjeri dokumentacije dostavljene uz ponude i konstatovala sljedeće:

Ponuda ponuđač „LUK“ **nije formalno-pravno ispravna**, jer nije dostavljena u skladu sa tačkom 2.1. tenderske dokumentacije, kojom je definisano da ponuda sadrži specifikaciju/listu dostavljenih dokumenta.

Također, ponuđač nije popunio kolonu broj 3 aneks tabele 5.1 Tenderske dokumentacije zbog čega Ugovornom organu nakon uvida u dostavljenu ponudu nije poznato šta Ponuđač nudi. Također nije popunjena kolona 3 iste tabele u koju se unosi podatak o jediničnoj cijeni koštanja ponuđenog proizvoda.

Ponude ponuđača NEXIS d.o.o. Sarajevo i ZI-MI d.o.o. Tuzla su formalno-pravno i uzimaju se u dalje razmatranje.

Imajući u vidu da je za ovaj postupak javne nabavke predviđena dodjela Ugovora provođenjem e-aukcije, u skladu sa Pravilnikom o uslovima i načinu korištenja e-aukcije, Komisija je sačinila Zapisnik o pregledu i ocjeni ponuda br:10-33-4-44118 od 01.10.2020.godine, kojim predlaže da se provede e-aukcija sa ponuđačima: ZI-MI d.o.o. Tuzla i NEXIS d.o.o. Sarajevo, jer su dostavili prihvatljive ponude, koje mogu biti predmet ocjene.

Budući da je cijena zadovoljavajuće ponude u okviru osiguranih sredstava za nabavku, te da je u konkuretskom zahtjevu zadovoljena transparentnost, Komisija je dala prijedlog, Izvještaj br.10-33-4-44824 od 06.10.2020. godine, da se za nabavku uređaja za automatsko održavanje pritiska u toplotno-predajnoj stanici "Administracija", donese Odluka o izboru najpovoljnijeg ponuđača i Ugovor dodjeli ponuđaču NEXIS d.o.o. Sarajevo sa ponuđenom cijenom nakon provedene e-aukcije. Prijedlog Komisije je prihvaćen i donijeta je odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

glh Ammanj... [signature]